



稽古堂訂正雲仙散錄卷之四

唐 金城 馮 贊 編

明 樵李 高承 校

石鼈銜賦題

高郢夜課于豐亭忽見一鼈在案上視之石也
郢異其事取于題散置楮中禱祝令石鼈銜之
以卜來事既而石鼈舉頭乃是沙洲獨鳥賦題
出果然其年首選

湘潭記

雲仙散錄 卷四
自負書劍

凌倚隱衡山往來自負書劍削竹爲擔裹以烏
羶倚旣死山僧取以供事

衡山記

松精成使者

茅山有野人見一使者異服牽一白羊野人問
居何地曰偃蓋山隨至古松下而沒松形果如
偃蓋意使者乃松樹精羊乃茯苓耳

金陵記

龍窠石

巾山僧表堅面多癡痕偶溪中得石如鷄子夜
覺涼冷信手磨面癡痕盡滅後讀博異志曰龍

窠石磨瘡癡大效

廬山記

召客念無魚

蘇蠙郎中召客無魚念曲江多有而禁釣乃令
掌吏用油幕偷數頭適濟其事

承平舊纂

金鷄抱卵時

封少卿問禪於龍華厚叅師曰金鷄抱卵時如

何少卿歸而默坐三年不能領解至于發狂而死

禪學錄

胡松節支琴

白傳用胡松節支琴

金徽變化篇

竊嚙棋子

李杓直與人棋而敗乃竊數子嚙之尋問乃鼓

局大恕

棋天洞覽

墨染紙不昏

墨染紙三年字不昏暗者爲上

成老相墨經

茶焦縛奴授火

陸鴻漸採越江茶使小奴子看焙奴失睡茶焦

爍鴻漸怒以鐵繩縛奴授火中

蟹眼志

袖餅班中

于琮班中有時袖餅而食或以遺同列

當朝記

石蓮匣

許芝有妙墨入厨巢賊亂墜于善和里第事平

雪竹齋金 卷四
取之墨已不見惟石蓮匣存焉

大唐龍藏記

驚燕

蘭先生上隱亭望九里山七日不能下但食鷺

燕二十段

琴莊美事

粉指印青編

徐州張尚書妓女多涉獵人有借其書者往往

粉指痕並印于青編

教樓記

一里更二馬

校書郎李蟠蓄馬甚多出遊則一里更二馬借

借供應可逮十家

馬癖記

旋風筆

魏博田承嗣簽治文案如流水吏人私相謂曰

世罕有此旋風筆

方鎮編年

贈相得以鳩

毛傳好食鳩人與已相得者必以鳩贈之一見

李翱贈十二籃

好事集

物價至微

開成中物價至微村落買魚肉者俗人買以胡
絹半尺士大夫買以樂天詩一首兼與之

豐年
編

夜飛蟬

杜甫每朋友至引見妻子韋侍御見而退使其

婦送夜飛蟬以助粧飾

放懷集

羲之鬼

虞世南書冠當時人謂其有羲之鬼

字錦

竹枝曲

張旭醉後唱竹枝曲反復必至九回乃止

醉錄

却老先生

王僧虔晚年惡白髮一日對客左右進銅鑷僧

虔曰却老先生至矣虔幾乎

南康記

小兒司命

郭汾陽語子弟曰西陽庶寶方小兒之司命不

可不讀

從容錄

青蠅拜賀

術士相牛僧孺若青蠅拜賀方能及第公疑之
及登科訖歸坐家庭有青蠅作八行立約數萬
折躬再三良久乃去

青陽記

塋得石碑

烏重胤塋先世掘得石碑有云牛嶺岡前紅簫
隴下塋用丙日手板相亞重胤依而用之

隴上書

貧而圖婚

白厚貧而圖婚娶劉純材女厚送烏瑄十事楚
紙爲書純材大笑答以象田珠十升紫弱千餘
頭及使家僮撒燭花盈路厚閉門大慚賓客走
去

耕桑偶記

以海駁皮爲鼓

凡鼓以海駁

疑是
駁字

皮爲之泥以象骨則雄而清

用雜皮則濁而易散云

辨音集

上元影燈

洛陽人家上元以影燈多者爲上其相勝之辭
曰千影萬影又各家造芋郎君食之宜男女仍
云送鷄肉酒用六木餅貯之於親知門前留地
而去

影燈記

軟棗饅

宣慈寺每求化人先留食軟棗饅柳尚書來方
食饅袖疏欲出尚書急解連帶緋袍鑲子魚袋
施之

海墨微言

竊花

霍定與友生遊曲江以千金募人竊貴侯亭榭
中蘭花插帽兼自持住綺羅叢中賣之士女爭
買拋擲金錢又各以錐刺藕孔中者罰巨觥不
中者得美饌

曲江春宴錄

酒窟

蘇晉作曲室爲飲所名酒窟又地上每一塼鋪
一甌酒計塼約五萬枚晉日率友朋次第飲之

雪个背金

醉仙圖記

詩成裁窻紙

段九章詩成無紙就窻裁故紙連綴用之九章

字惠文

逢原記

白羊粧點芳草

午橋莊小兒坡茂草盈里晉公每使數羣白羊散于坡上曰芳草多情賴此粧點也

窮幽記

浮萍爲鴨作茵褥

浮光多美鴨太原少尹樊千里買百隻置後池載數車浮萍入池使爲鴨作茵褥

雲林異景志

自爲小君裁剪

李紳爲相時俗尚輕綃染蘸碧爲婦人衣紳自

爲小君裁剪

鳳池編

貴家棋子

開成中貴家以紫檀心瑞龍腦爲棋子

棋譜

弄葫蘆成詩

王筠好弄葫蘆每吟詠則注水於葫傾已復注
若擲之於地則詩成矣詩源指訣

好讀離騷

錢芸士好讀離騷手不暇揭忘去肉味半月如

齋姑臧記

接花浸酒

楊恂遇花時就花下取藥粘綴于婦人衣上微
用蜜蠟兼接花浸酒以快一時之意三堂往事

挑野蔬

郭元申家貧無食今春月携兒挑野蔬一日有餘

一日不出叩頭錄

簇酒

辛洞好酒而無資常携榼登人門每家取一盞

投之號爲簇酒敘閑錄

祭詩以酒脯

賈島常以歲除取一年所得詩祭以酒脯曰勞

雲仙散錄 卷四
吾精神以是補之 金門歲節

礮磨齋

都下寺院每歲用除礮磨是日作礮磨齋 僧園逸記

斂衣

伊處士從衆人求尺寸之帛聚而服之名曰斂

衣 搔首集

凌虛宴

齊文宣帝凌虛宴取香菌以供品味廣唐則出

於石首銅官等處銅釘菌分絲菌 自慶傳

桃花醋

唐世風俗貴重葫蘆醬桃花醋照水油 晉公遺語

蟣肝龍首

毛重教授於導江春日主人宴之賦散語曰蟣
肝之奉何堪龍首之攀可望主人曰吾勸以陸

源鯖賞以柳綿肝 文房寶飾

稽古堂訂正雲仙散錄卷之四 終

稽古堂訂正雲仙散錄卷之五

唐 金城 馮 贊 編

明 禡 李 高 承 埏 較

筆描牕竹影

宗測樂閑靜好松竹嘗見日篩竹影上牕以筆

倘描之 常新錄

糖蜜莫逆交

陳昉得蜀糖輒以蜜澆之曰與蜜本莫逆交

芳傳

風月常新印宮人臂

明皇開元初宮人被進御者日印選以綢繆記
印于臂上文曰風月常新印畢漬以桂紅膏則
水洗色不退

史記錄

念金輪咒

敲兩耳鑄服桂心丸念金輪咒則所思之人不
以存沒是夜必夢見之

事略

水晶環渡舟

蕭整嘗登陸渾沙洲忽水漲不得下急呼村童
折塵尾水晶環與之渡舟而過

三賢典誥

鳴牙餅

許康年謁劉遜贈遜鳴牙餅千枚曰雖微物也

助厨中兩日之費

退耕傳

棠棣之好

李初直遇與人相知則曰棠棣之好何以過此

喜慶倍常 敘聞錄

金蘭簿

戴弘正每得蜜友一人則書于編簡焚香告祖
考號爲金蘭簿 宣武盛事

鳴卵成花

向聲能於鎗中以手撥鳴卵成花 河中記

燭圍

韋涉家宴使每婢執一燭四面行立人呼爲燭

圍 長安後記

宴客典斟

陳無咎宴一客用一婢典斟必十二斟而後使
滿以盡誠敬之道 洛都要記

金牌盈座

河間王夜飲妓女謳歌一曲下一金牌席終金
牌盈座 豐盈傳

聚香團

揚州太守仲端畏妻不敢延客謝廷皓謁之坐
久甚饑端入內袖聚香團啗之

揚州事迹

待闕鴛鴦社

朱子春未婚先開房室帷帳甚麗以待其事旁

人謂之待闕鴛鴦社

教樓記

笑春紅

閩州叅軍黃涉婢曰笑春紅死涉念之淚灑犀

簾至皆損壞

蜀普錄

二花

阮文姬插髮用杏花陶溥公呼曰二花

河東備錄

三鹿郡公

袁利見爲性頑獷方崇謂袁生已封三鹿郡公

蓋譏其太麓疎也

幽燕記

崑崙玉盞

宇文卓方執崑崙玉盞聽左丞檀超高譚不覺

墜地

青州雜記

雲仙雜錄
卷五
坐間牡丹花

宋旻語常帶華藻李孺安曰時方三月坐間生
無數牡丹花矣

鄴郡名錄

杜鵑喚歸

石諶未娶聞杜鵑喚歸歎曰此物催人使歸使
我何所歸耶

金臺錄

遇河神

顧希微開成二年遇河神屈莫多曰更二千年

大江所在堤岸當崩沙九里

禹功記

口吻生花

張祐苦吟妻孥喚之不應以責祐祐曰吾方口

吻生花豈恤汝輩

白氏金鎖

贈詩勝爛黃魚

皇甫彙謁韓愈愈贈以詩彙退有言怒愈不爲
置酒愈曰豈不勝以爛黃魚待汝耶

續鍾嶸句
眼

折筯不休

山濤酒後哺啜折筯不休

酒中玄

防風粥

白居易在翰林賜防風粥一甌別取防風得五

合餘食之口香七日

金鑾密記

食蝻蚌

鹿宜孫食蝻蚌炙於壽陽瓮中頓進數器

止戈集

羣公對雪

羣公對雪尚隆之曰麪堆金井誰調湯餅吳永

素曰玉滿天山難刻珮環坐間服其韻精

姑臧記

屋瓦皆鏤

余宗伯屋瓦皆鏤竅穴千百雨則散如真珠用

陳留瓦則堅而易鏤

三堂往事

三年不見羊角

皮蕃去北而復來鄱陽食竹笋曰三年不見羊

角哀矣

叩頭錄

採星盆

雲仙雜錄
嵇昌蓄採星盆夏月漬果則倍冷

敘聞錄

作剪刀

姑園戲作剪刀以苜蓿根粉養之裁衣則盡成

墨界不用人手而自行

搔首集

左撚巾拭面

陽華用左撚巾拭面倍有光彩

自慶傳

碑石

李輔國塋父碑石用豆腐一千團磨瑩如紫玉

碑字四面鐫葵花三百朵

晉公遺語

漬紙

以竹稍甘露和天南星漬紙一宿裁之刀去如

飛 文房寶飾

除夜歎老

裴度除夜歎老迨曉不寐爐中商陸火凡數添

也 金門歲節

印普賢象

玄奘以回鋒紙印普賢象施于四衆每歲五駄
無餘

僧園逸錄

三辰酒

玄宗置麴精潭砌以銀甃泥以石粉貯三辰酒
一萬車以賜當制學士等

史講錄

桑木根可作沉香想

裴休得桑木根曰若作沉香想之更無異相雖
對沉水香反作桑根想終不聞香氣諸相從心

起

常新錄

阜蓋能與日輪爭功

韓愈刺潮州嘗暑中山出張阜蓋歸而喜曰此物
能與日輪爭功豈細事耶

傳芳畧記

雷門四老石

王維輞川林下坐用雷門四老石燈滅則石中

鑽火

事畧

握麥芒刀字

牛僧孺進士時常種麥芒刀字有謬誤隨手刪

割點定 三賢點墨

麒麟草

元和時館閣湯食待學士者煎麒麟草

鳳翔退耕傳

魚藻洞

魚朝恩有洞四壁夾安瑠璃板中貯江水及萍

藻諸色蝦號魚藻洞

南康記

鼻出黃膠

賀知章忽鼻出黃膠數盆醫者謂飲酒之過

從容

錄

數米而食

沈休文羸劣多病日數米而食羹不過一筋

青陽

記

廬墓日影爲之不移

鄧寅廬墓墳土未乾日影爲之不移

壠上記

飼牛以天麻飯

青齊間遇春耕則飼牛以天麻飯仍用錦縷繫于角上

耕桑偶記

高麗絲結

張均妓多麗彈琵琶曲頂上有高麗絲結趙詩爭奪致傷二指

辨音集

元夜食牛肺犯天樞使

梁鄴上元後忽髮變如血卜曰元夜食牛肺犯天樞巡使夜行禱謝可免

影燈記

菖蒲成獅子鸞鳳狀

僧普寂大好菖蒲房中以菖蒲種成獅子鸞鳳

仙人之狀

海墨微言

鴨肝猪肚

王縉飲酒非鴨肝猪肚筋輒不舉

醉仙圖記

吞花臥酒

虞松方春以謂握月擔風且留後口吞花臥酒不可過時

曲江春宴錄

雲仙前錄 卷五
庭椿不染風

盧携夢人贈句曰若問登庸日庭椿不染風初
不解其言後數年携拜相庭下古椿一株雖狂
風驟雨不濕不搖

鳳池編

屋竅如七星

鄭廣文屋室破漏自下望之竅如七星

逢原記

日用斗麪爲糊以供緘封

順宗時劉禹錫干預大權門吏接書尺日數千

禹錫一一報謝綠珠盆中日用麪一斗爲糊以

供緘封

宣武盛事

麪如棗核而中空

楊挺游王鉞家食一物如棗核而中空其實麪
也挺詢其法鉞笑而不言

河中記

稽古堂訂正雲仙散錄卷之五

終

稽古堂訂正雲仙散錄卷之六

唐 金城 馮 贇 編

明 樵李 高承埏 較

讀書數真珠以記

于授幼時家以綠真珠勝爲簾押授讀書數真
珠以記日輒一遍

長安後記

竹粉湯

夏侯鉞謁盧懷慎坐終日得竹粉湯一盞

洛都要記

蜀中厚朴

蜀中厚朴若酒後采之紫色蕩散用輒無力窮

記

碎錦坊

晉公午橋莊有文杏百株其處立碎錦坊曹林

百年歌

李觀作百年歌王湜請其法觀向湜彈指曰遺子爪甲清塵庶幾文思有加詩源指訣

夢青龍吐棊經

王積薪夢青龍吐棊經九部授已其藝頓精棊訣

白眼蜂

蠶退之後多爲乾腊貨之開元中春末兩市多

白眼蜂如山市人以此卜絲帛之豐歉豐寧傳

安石榴

李漢碎胡瑪瑙盤盛送王莒曰安石榴莒見之不疑旣食乃覺揚州事迹

嗜鴨腊

彭几嗜鴨腊未曝前三日置鎮石之下時所共

服

蜀普錄

壬癸席

申王謂猪既供食不宜處於穢處乃以檀龕栗
粥待之取其毛刷淨令巧工織壬癸席滑而且

凉

河東備錄

歛諸妓釵鈿以記意

金城多美妓賀蘭劍曰吾既臨人私情難展遇
宴飲則歛奪諸妓釵鈿退以記意

金城記

沈祕景符

禹導河之際沈祕景符以鎮五千之水患後人

賴焉

禹功記

沙上玩味成詩

柳宗元吟春水如藍詩久之不成乃取九脚床
於池邊沙上玩味終日僅能成篇

白氏金鎖

吟詩落齒

謝靈運半日吟詩百篇頓落十二齒

續鍾嶸句
眼

綠牝鞍

處士富麟翁從縣令芮通源游蘭居寺通源給

以綠牝鞍

幽燕記異

鳳眼

龍道千十室于積玉坊編藤作鳳眼牕支床用

荔荔千年根炊飯灑沈水香浸酒取山鳳髓

青州

雜記

巨栗殼爲盃

鄴中產巨栗脫其殼可以爲盃

鄴郡名錄

眉分九聚

朱泚眉分九聚相者告以大貴泚信之

金臺錄

洞天餅

號國夫人就屋梁上懸鹿腸於半空筵宴則使人從屋上注酒於腸中結其端欲飲則解開注

于盃中號洞天聖酒將軍又曰洞天餅

酒中玄

賜成象殿茶果

金鑾故例翰林當直學士春晚困則日賜成象

殿茶果

金鑾密記

冰雪至夏價等金壁

長安冰雪至夏月則價等金壁白少傅詩名動
於閭閻每需冰雪論筐取之不復償價且如
是

止戈集

蛙臺

桂林風俗日日食蛙有來中朝爲御史者朝士
戲之曰汝之居非烏臺乃蛙臺也御史答曰此
非蛙名圭虫而已然較圭虫之奉養豈不勝於
黑面郎哉黑面郎謂猪也朝士大赧而退

永平舊集

棄官求道

丁繫自尚書郎參靈度禪師棄官修道日食脫
粟二升諸僧鉢水一盃夏月夜禪雖飛蚊啞食

終不搖動坐夏既滿面爲破爛

舊相禪學錄

携琴就松風澗響之間

段由夫携琴就松風澗響之間曰三者皆自然之聲正合類聚羊曇節以金縷羊要之曲終不去

金微變化篇

出遊必携圍棋短具

王積薪每出遊必携圍棋短具畫紙爲局與棋子并盛竹筒中繫于車轅馬鬣間道上雖遇匹

夫亦與對手勝則徵餅餌牛酒取飽而去

棋天洞覽

墨難減者萬金不換

丸墨日用之一歲磨減半寸者萬金不換然至難得

成老相墨經

收茶三等

覺林院志崇收茶三等待客以驚雷莢自奉以萱草帶供佛以紫茸香蓋最上以供佛而最下以自奉也客赴茶者皆以油囊盛餘瀝以歸

巖

笏囊笏架

會昌以來宰相朝則有笏架入禁中逐門傳送
至殿前朝罷則置於架上百寮則各有笏囊親
吏持之

常朝錄

徐峯善棋

徐峯善棋段成式欲盡窮其術峯曰子若以
後倪與我當使子過我十倍

大唐龍髓記

瞬碧侯

琴莊有溶溶軒軒前皆池地也度池得回筇磴
上自在峯蘭先生曰往峯上採蕨蕨生九股以
釀醋異常守臣取進之封峰曰瞬碧侯

出琴莊
美事

錢龍宴

洛陽人有妓樂者三月三日結錢爲龍爲簾作
錢龍宴四圍則撒眞珠厚盈數寸以斑螺令妓
女酌之仍各具數得雙者爲吉妓乃作雙珠宴

以勞主人又各令作餽緩帶以一丸餽舒之可
長三尺者賞金菱角不能者罰酒

粧樓記

王武子好馬

王武子好馬非馬不行正旦則柳葉金障泥上
元則滿月羈清明則剪水鞭重午則籠嬌鞍八
月中秋則玉櫳總絡頭重陽則蟬兒鞞春秋社
則塗金鞍冬至則嘶風鞞除日則藥王鞍每節
日則餵馬以明紗豆薺薇草

馬癖記

鸞手校尉

錢鏐鎮吳越尊賢渴士使名畫工二三十人在
汭江號鸞手校尉伺北方士子流移來者咸寫
貌以聞擇清俊福厚者用之胡岳方渡江畫工
以貌奏鏐見之歎曰面有銀光奇士也卽時召
見

方鎮編年

剪刀麪月兒羹

柳公權以隔風紗作龍城記及入朝名品號錦

樣書以進上方御剪刀剪月兒羹即命分賜

出字

玄祿

老子始生其母名之曰玄祿

集真記

大雅之文

柳宗元得韓愈所寄詩先以薔薇露灌手薰玉
蕤香後發讀曰大雅之文正當如是

好事集

二儀餅

開元中長安物價大減兩市賣二儀餅一錢數

對胡桃炙十金一杵

豐年錄

槐膠彈子

李少微子女頗多每朝退於亭榭散槐膠彈子
數百枚令諸小兒爭取之以爲戲笑終日不倦

戲已復收于篋

放懷集

酒神

酒席之士九吐而不減其量者爲酒神

醉錄

九芒珠

王武子以九芒珠穿爲紉索編華架用之每月

洗以鯉魚涎

据拾菁華

石綠鏡臺

張燕公有石綠鏡臺得自明川道士玄宗聞其
有異取以精炭十車燒之不變乃已

類聚記

自課庵

全子栖每爲文則入自課庵一文必三草及十

年之後悟其淺近必盡付於火生平凡三焚文

集徵文玉井

淵明拜火

陶淵明日用銅鉢煮粥爲二食具遇發火則再

拜曰非有是火何以克腹

淵明別傳

筆封九錫

薛稷爲筆封九錫拜墨曹都統黑水郡王兼毛

州刺史

龍鬚志

墨封九錫

稷又爲墨封九錫拜爲燕督護玄香太守兼毫州諸郡平章事是日墨吐黑氣結成樓臺狀鄰里來觀食久乃滅

纂異記

紙封九錫

稷又爲紙封九錫拜楮國公白州刺史統領萬字軍界道中郎將

事畧

硯封九錫

稷又爲硯封九錫拜離石鄉侯使持節卽墨軍事長史兼鐵面尚書

鳳翔退耕傳

爲花樹洗瘡止痛

郭文在山間有石榴楊梅等花爲樵牧所傷殆甚賣簪沽酒以澆花樹人問之曰爲二子洗瘡止痛

芳賢傳

稽古堂訂正雲仙散錄卷之六

終

稽古堂訂正雲仙散錄卷之七

唐 金城 馮 贊 編

明 樵李 高承埏 較

元白兩不相下

元微之白樂天兩不相下一日同詠李花微之
先成曰葦綃開萬朶樂天乃服綃練也葦白而
綃輕

高隱外書

仙人栢葉書

郭天民巧思橫生能摺書簡反覆如栢葉狀鄉人謂之仙人栢葉書

安成記

家庖百品

張元厚家庖百品日日不變有蔡機缸二千盛貯皆滿

梁福廬陵記

硯中出白影珠

侯道昌因雨置龜頭硯於簷下承溜以滌之俄而滌破硯中出白影珠十顆有患目者煮珠

水洗之皆愈

馮正雲金谿記

陳蕃待客

陳蕃待客拌飯以鹿脯芼羹以牛脯未嘗別爲

異饌

董慎續豫章記

桂人好食蝦蟆

桂人好食蝦蟆仍重乾菌爲糝赴食者至以餘俎包歸遺兒女雖汚衫不恥

張洞林桂林志

霜露能染紅紫

雲仙傳金 卷一
鴛管山霜可染紫白庶潭露能染紅爲天下冠
恨人無知者 常奉真湘潭記

蒲桃髻

小兒髮初生爲小髻十數其父母爲兒女相勝
之辭曰蒲桃髻十穗勝五穗 李明之衡山記

方囊盛金錢

富人賈三折夜以方囊盛金錢於腰間微行市
中買酒呼秦聲女置宴 方德遠金陵記

千眼仙人赴東林寺

廬山遠法師命盡之日山中峰澗寺落皆見千
眼仙人成隊執幡幢香花赴東林寺法師死乃
止 十三賢共注廬山記

洛如花

吳興山中有一樹類竹而有實似莢狀鄉人見
之以問陸澄澄曰名洛如花郡有文士則生 張寶
就印錄

風念阿房宮賦

揚州蘇隱夜臥聞被下有數人齊念阿房宮賦
聲繁而小急開被視之無他物惟得風十餘其
大如豆殺之卽止

清異志

甲乙膏

蜀人二月好以敗雜黃牛膽爲甲乙膏非尊親
厚知不得而預其家小兒三年一享

浣花旅地志

魚脊出金釵

寶曆中西陽人見釣魚師有魚腦貫黃文愛而
買歸食至脊上出金釵一隻長六寸

唐餘錄

團沙捏成睡嵇康

房琯少時曾至洲渚上團沙捏成睡嵇康甚有

標態見者多愛之

童子通神錄

樂音泉

强村有水方寸許人欲取之唱浪淘沙一曲卽
得一盃味大甘冷村人因名曰樂音泉

玄山記

石斧欲斫斷詩手

杜甫子宗武以詩示阮兵曹兵曹答以石斧一
具隨便并詩還之宗武曰斧父斤也兵曹使我
呈父加斤削也俄而阮聞之曰誤矣欲子斫斷
其手此手若存天下詩名又在杜家矣

文覽

清水郎君

司馬伯殊買得鴨卵一枚非常珍重夜猶未食
夢曰此卵乃徐龍幼子清水郎君也不殺將富

殊乃放之

三峰集

徐鳳儀杖

徐鳳儀有一杖直如筆管其後每年生一節二
十年每年縮一節三月則杖之四面青赤白黑
各開一花不知何木也

陶家餅餘事

劍生神芝則天下晏清

成都朱善存家世寶一劍每生神芝則天下晏
清如安史黃巢之亂劍皆吐黑烟屬天不差毫

雲仙散錄
卷十
厘 王塵集

聚芳圖百花帶

宗測春遊山谷見奇花異草則係于帶上歸而圖其形狀名聚芳圖百花帶人多效之

高士春秋

李花如飛

伍貫卿居沅陵家有李花一株月夜奴婢遙見花作數團如飛仙狀上天去花上露水倏然作雨數千點花則亡矣

樞要錄

起藁牕上

江總爲文次至吟詠得意則起藁於牕上不堪示則投置溷中久而文遂工矣

文筆襟喉

蜜浸烏梅解宿醉

陳永陽王宿醒未解則爲蜜浸烏梅每啖不下二十枚清醒乃已

樵人直說

榕粉

小兒瘡痂以榕粉日傅之則易瘥而無痕

汗漫錄

雲竹齋金
卷一
灰山

無樣有灰山山南有石竅其中二麥無數取之
不極 二賢典畧

嗜蛤蜊

吐突承璀嗜蛤蜊炙以鐵絲床數澆鹿角漿然
後食 傳芳畧記

譚衣

穆宗以玄絹白書素紗

衣服賜承幸官

人皆淫鄙之謂時號譚衣至廣明中猶有存者
史諱錄

三樣錢買二色酒

西門季玄造二色酒白酒中有黑花斟於器中
花亦不散其中有肝石故也崔道旅以金銀銅
錢來酤曰以我三樣錢買君二色酒欲辭得乎
常新錄

大筍中有眼睛

裴晉公於藍田得一大筍破之有三四眼睛而
香美過甚乃與曾序分食之

晉公遺語

雨點螺磨紙

治紙之昏而不染墨者用雨點螺磨紙左右三
千下其病去矣

文房寶飾

沈休文多病

沈休文多病六月猶綿帽溫爐食薑椒飯不爾
則委頓

自慶集

盲郭璞

路巖幼病有人稱善醫禳之術巖用之不效歎
曰此盲郭璞也

搔首集

淨眼僧

傳法寺淨眼僧能用藥煮烏頭施人治百疾皆
驗又以穢跡咒治疔破鐵城偈除鬼祟發無不
捷

僧園逸錄

竹節中神水

重午日午時有雨則急斫一竿竹竹節中必有
神水瀝取和獺肝爲圓治心腹塊聚等病出金
門歲

釀換骨膠

憲宗采鳳李花釀換骨膠晉國公平淮西回黃

杷金餅

賜二斗

敘聞錄

畏薯藥

李輔國大畏薯藥或人因以示之必眼中火出

毛髮皆瀝血因致大病

叩頭錄

分香蓮

三堂使宅有鉤仙池一種蓮子一歲再結實子

十隻其花時香兼桃梅萸菊郡人傳分香蓮不

論錢

三堂往事

雪竹搔頭

趙綸妻死遺雪竹搔頭於堦下不數日化爲楊

梅花朶如撒時人異之

姑臧前後記

遇棋仙

卞子京遇棋仙束帶拜金鑄紫堂仙仍坐於席
上勝克之利萬不失一

手參棋訣

焚杜甫詩飲以膏蜜

張籍取杜甫詩一帙焚取灰燼副以膏蜜頻飲
之曰令我肝腸從此改易

詩源指訣

藏盤筵於水底

白氏履道里宅有池水可泛舟樂天每命賓客

繞船以百十油囊懸酒炙沉水中隨船而行一
物盡則左右又進之藏盤筵於水底也

窮幽記

七井生涼

霍仙鳴別墅在龍門一室之中開七井皆以雕
鏤木盤覆之夏月坐其上七井生涼不知暑氣
雲林異景志

稽古堂訂正雲仙散錄卷之七

終

稽古堂訂正雲仙散錄卷之八

唐

金城

馮

贊

編

明

楊李

高

承

較

八角玉升

宣帝時西夷恒危國貢八角玉升夏以水澆之
則無暑冬以火迫之則無寒異事甚衆

逢夏記

失去周字知唐必興

則天初稱周方具告天冊文有吏人見大周字

上有兩仙童長二三寸執刀剗削斯須視之失
去周半人知唐必復興鳳池編

曲江春遊

曲江春遊之家以脂粉作紅饅竿上成雙挑掛
夾雜畫帶前引車馬曲江春遊錄

毛詩卷染油代燭

倪芳飲後必有狂恠恬然不恥或以毛詩卷染
油代燭醉遊徹曉醉仙圖記

眉睫間常化佛

清涼僧海豐苦行二十餘年人見其眉睫間常
化佛千百大如黍米往來遊行已不覺也清涼僧海豐

好李花致富

終南及廬岳出好李花兩市貴侯富民以千金
買種終廬有致富者耕桑偶記

一物如人眼睛

蕭餘上元夜於宜陽里酒盤下得一物如人眼

晴其體類美石光彩射人餘夜遊市肆閑置掌
中每行黑闇衢巷隨身光明三尺毫末可鑒後
因而飛出

影燈記

造笙

初造笙每管中入荻根細沙一豆許遇吹時飛
沙於中激揚聲愈清徹近世樂工未有知者惜
夫

辨音集

喬敷嗜魚

喬敷嗜魚而貧日向漁人貸食漁人送魚一斤
則以白堊標門記之後日償價年律一終白堊

盈門

壠上書

浮陽筍

九華小民浚池得物狀類竹根旁有一銘曰浮
陽筍太古孕舉投醬缶三年不盡民不識字使
人讀之試以豆一斗造醬投物其中果三年不
減

時逢道士青陽記

爪甲間皆出雲烟

魏郡開成中大旱徧禱山岳或言西沈陸先生道行精明請之必驗太守以下乃携杏酒青羊以備牲醪告于山中先生受禮訖對太守呼吸數過五指連拂之爪甲間皆出雲烟之氣惟中指氣象甚盛先生曰郡中雨得足諸縣皆獲八分亦可小稔已而其說不誣

從容錄

石魚

南康有狂人周可大見魚必置數十頭食餘棄于凡上人謂隨卽臭腐可大以手摩之皆爲石魚後年餘友人訪之見其紙裹石魚煨以啖客新香不異常魚

逍遙公南康記

王母惜黃中李過蟠桃

西王母居龍月城城中產黃中李花開則三影結實則九影花實上皆有黃中二字王母惜之過於蟠桃與紫陽真官博戲則以一二百枚遞

分勝負

集真記

重黎盞酌水

宣武判官洪子昇延嵩山鍊師在宅值大雨堵
庭彌滿欲上堂戶子昇有憂色鍊師取懷中重
黎盞酌水不滿盃而庭砌隨已乾矣

宣武盛事

時元亨鍊真

方山道人時元亨鍊真厭世三十餘年精唾涕
淚俱惜之七十髮不自走如奔馬宋先生曰吾

以小術令此子三日卽死乃於酒中以羊豕腦
一拌啖之元亨不覺也飲罷便苦頭痛下痢明
日便出如剝淨鷄頭肉者二三升許又明日元

亨果卒

河中記

孫逢年好酒色老不衰

長安孫逢年日一醉無虛席妓妾曳綺羅者二
百餘人晚年衰憊齒皆蚶齟空虛如樓閣而舊
好不衰

長安後記

王維居輞川地不容塵

王維居輞川宅宇既廣山林亦遠而性好溫潔地不容浮塵日有十數掃飾者使兩童專掌縛帚而有時不給

洛都要記

磁石益眼

益眼者無如磁石以爲盆枕可老而不昏寧王

宮中多用之

豐寧傳

魚喜鹿胎香

揚州太守閻丘惠會僚友于轉沙亭集境內漁戶令曰所得魚多者有金帛之賞有一漁人以肉物作塊散懸於網上取魚倍衆力凡十網得魚三千六百無甚小者衆慚而退太守詢之曰魚喜鹿胎之香適散懸者乃此物也下網召之萬魚畢聚矣

揚州事迹

降魔寺僧以名召魚

東川降魔寺僧吉祥魁梧多力受飯五鉢日夜

誦經九函池中魚知其數以名召之背出水面
使去即沒

蜀普錄

并代人喜嗜麪

并代人喜嗜麪切以吳刀淘以洛酒漆斗貯之
擊鼓集老幼自以多寡取之至飽

河東備錄

鶴識字

衛濟川養六鶴日以粥飲啖之三年識字濟川
檢書皆使鶴銜取之無差

金城記

洗心糖

茅地經冬燒去枝梗至春取土中餘根白如玉
者搗汁煎之至甘可爲洗心糖

幽燕異記

桃花絲

青齊間有一種桃花盛開時垂絲至二三尺採
之練以松脂通相纏結織成鞋履寄往都下人
皆不辨何物

青州雜記

祕密泉

甘塘社有一水方丈瑩潔春夏不竭旱則禱之
應時雨下然牛馬猪羊飲之肥澤鷄鴨鵞鴈飲
之必死鄉民緣可以救旱號祕密泉

鄴郡名錄

怯夜幡

胡陽白壇寺幡刹日中有影月中無影不知何
故因號怯夜幡

金臺記

魚鼈隨世安危

大禹治水功成令江淮河海神曰魚鼈褰盛隨

世安危自此之後年必小減使其價遞增以食
晚末之民應天意也

禹功記

書冊以竹漆爲糊

凡書冊以竹漆爲糊逐葉微攤之不惟可以久
存字畫兼紙不生毛百年如新此宮中法也

自氏

金鎖

真脫絲布

人之爲文語意疎慢者真脫絲布文士之病莫

大乎此 鍾嶸句眼

入酒中沐浴使毛髮識味

石裕方明造酒數斛忽解衣入其中恣沐浴而出告子弟曰吾平生飲酒恨毛髮未識其味今日聊以設之庶無厚薄 酒中玄

龍口渠

翰林有龍口渠通內苑大雨之後必飄諸花蕊經由而出有百種香色名不可盡春月尤妙 金鑾

密記

口中現五色牙齒

孔幾好術藝延接方士多所傳授龍口中現五

色牙齒彩色光絢一瞬即改 止戈集

李有九標

蕭瑀陳叔達於龍昌寺看李花相與論李有九

標香雅細淡潔密宜月夜宜綠髮宜白酒 承平舊集

斗盆燒乳頭香

曹務光見趙州以斗盆燒乳頭香十斤曰財易得佛難求

舊相禪學錄

鼠精李

王侍中家堂前有鼠從地出其穴卽生李樹花實俱好此鼠精李也

好事集

猪肝中有識書

白浦民割猪肝肝中有一紙大如手色如新書雲煙■蒼蒼明年無糧次年巢寇起州郡多荒

纂異記

酒魔

常元載不飲羣僕百種強之醉以鼻聞酒氣已醉其中一人謂可用術治之卽取針挑元載鼻尖出一青虫如小蛇曰此酒魔也聞酒卽畏之去此何患元載是日已飲一斗五日倍是

玄山記

糠市

洛陽振德坊皆貧民例享糠糠之薄質知章目

爲觀市 從容錄

品物互徵古事

房隣至人家凡關四鄰補其品物互徵古事一

一切當 河中記

稽古堂訂正雲仙散錄卷之八 終

稽古堂訂正雲仙散錄卷之九

唐 金城 馮 贇 編

明 樵李 高承埏 較

一杯羹三萬錢

李德裕奢侈每食一杯羹其費約錢三萬雜珠玉寶貝雄黃朱砂煎汁爲之過三煎卽棄其滓

博異志

縑繫南山樹

明皇問富人王元寶家財多少對曰請以一縑
繫陛下南山樹南山樹盡臣縑未窮

博異志

心織筆耕

翰林盛事云王勃所至請託爲文金帛豐積人
謂心織筆耕

北里志

燕奴

有術士於腕間出彈子二丸皆五色叱令變化
卽化雙燕飛騰名燕奴又令變卽化二小劍交

擊須臾復爲丸入腕中

博異志

三斗爛腸

殷洪遠云周且腹中有三斗爛腸

金瓶梅

金葉玉葉

始皇遣徐福入海求金葉玉葉疏并一寸縑

無影公子

蟹曰無影公子

無影公子

通天犀中有白紋如絲者置米其上以飼鵠
見驚走名駭鵠犀則鵠魚形持人水木輒歸
子

天鼓

雷曰天鼓雷神曰雷公

抱朴子

虎狼稱呼五君

山中寅曰稱虞吏者虎也稱甯路君者狼也稱
東王父者麋也西王母者鹿也成陽公者狐也

社君者鼠也

抱朴子

鵲巢獺穴

鵲巢知風之所起獺穴知水之高下暉日知冥

也

鳩鳥也出淮南子

靈運鬚

謝靈運美鬚臨刑施南海祇洹寺爲維摩詰鬚
寺中寶惜中宗時安樂公主五日鬪百草遣人
取之仍剪集其餘

國史纂異

雲仙散錄 卷九
沒了期

錢鏐封吳越王工役大興士卒嗟怨或夜書府門曰沒了期沒了期修城纔了又開池鏐出見之命吏書曰沒了期沒了期春衣纔了又冬衣嗟怨頓息 五代史補

拔釘錢

趙在禮在宋州所爲不法百姓苦之一日制下移鎮永興百姓相賀曰眼中拔却釘矣可不快

或在禮聞之上表乞還鎮朝廷許之在禮每口率錢一千號拔釘錢遂獲百萬 同上

釜中龍

南唐時有蒼頭持龍水圖來貨或得之將練爲衣忽釜中雲蒸起見二龍騰躍穿壁而去

黃紙寫勅

正觀中太宗詔用麻紙寫勅詔高宗以白紙多虫蛀尚書省頒下州縣並用黃紙

食王炊桂

蘇秦之楚三日乃得見王辭行王曰曾不少留
對曰楚國食貴於王薪貴於桂謁者難得見如
鬼王難得見如天帝臣食王炊桂因鬼見帝王
曰聞命矣

戰國策

鷸蚌

趙且伐燕蘇代爲燕謂惠王曰臣過易水蚌方
出曝而鷸啄其肉蚌合而箝其喙鷸曰今日不
雨明日不雨卽有死蚌蚌曰今日不出明日不
出必有死鷸兩不相舍漁者得而并之

同上

嫠婦

曾人有獨處室者隣之嫠婦

寡婦也

亦獨處夜暴

風雨嫠婦室壞趨而託焉曾人閉戶曰男女不
六十不閑居今子幼吾亦幼是以不敢納婦曰
何不學柳下惠然嫗不逮門之女曾人曰下惠
則可吾固不可吾將以吾之不可學下惠之可

孔子家語

螳螂搏輪

齊莊公出獵有螳螂舉足將搏其輪御曰此蟲知進而不知退不量力而輕就敵莊公曰以爲人必爲天下勇士矣於是迴車而避之而勇士歸之同上

銅鶴樽

韓王元嘉有一銅鶴樽背上注酒則一足倚滿

則正不滿則傾側

朝野僉載

鵲尾杓

陳思王有鵲尾杓柄長而直置之酒樽凡王欲勸飲者呼之則尾指其人同上

麒麟楨

唐楊炯每呼朝士爲麒麟楨或問之曰今假弄麒麟者必修飾其形覆之驢上宛然異物及去其皮還是驢耳無德而朱紫何以異是同上

喙長三尺手重五斤

陸餘慶爲洛州長史善論事而繆於決判時嘲之曰說事卽喙長三尺判事則手重五斤

同上

鶴鳴鷄樹

鳳閣侍郎杜景儉文章知識並高遠時號鶴鳴

鷄樹

朝野僉載

鳩集鳳池

王及善才行庸猥爲內史號鳩集鳳池

朝野僉載

金剛舞夜叉歌

隋諸葛昂高瓚爭爲豪侈昂屈瓚串長八赤餅濶丈餘餽麓如柱酒行自作金剛舞以送之瓚復屈昂以車行酒馬行肉碓斬繪屨蒜薹自唱夜叉歌以送之

朝野僉載

金祀王階

明光殿金玉珠璣爲簾箔金祀王階晝夜光明在桂宮中

三輔黃圖

傳座

長安風俗元日以後遞飲食相邀號傳座

南部新書

寶苗

山中有葱下必有銀有薤下必有金有薑下必有銅錫山中有王者木旁枝下垂謂之寶苗

築糠三尺

新羅人泛海漂墮鬼國鬼執之曰汝能與我築糠三尺乎汝欲鼻長一丈乎其人請築久不成

乃爲鬼拔其鼻如象

酉陽雜俎

翻綽入水

玄宗嘗令左右提翻綽入池水中復出曰向見屈原笑臣爾遭逢聖明何亦至此

同上

龍巢翻

夷陵江或浮大木蔽塞水面土人謂之龍巢翻
北夢瑣言

見李思戒

明宗不豫馮道入問因指果實曰如食桃不康
他日見李思戒

北夢瑣言

一步一計

李克用入魏博覘之城上有旗幟來往晉王曰
劉鄩一步一計更令審探果縛蒞爲人縛旗於
上以驢負之循城而行鄩軍遁已二日矣

同上

通神錢

張延賞判度支有獄頗冤濫公召吏嚴戒旬日

須了明日案上有小帖子曰錢三萬貫乞不問
此獄公怒更促之明日帖子云五萬貫公亦怒
明日復見帖子曰錢十萬貫遂止不問所親問
之公曰錢至十萬通神矣無不可爲之事吾懼
及禍不得止也

幽閑鼓吹

九花虬

代宗時范陽貢馬額高九寸真虬龍也身被五
花紋號九花虬後以賜郭子儀

杜陽雜編

上清珠

開元初，劍賓國王貢上清珠，光照一室。有婦人王女雲鶴，搖動其中有水旱兵革之災，虔視無不應驗。同上

副急淚

宋世祖謂劉德願曰：卿哭貴妃，悲者當厚賞。德願應聲慟哭，撫膺擗踊，涕泗交流，上甚悅。故用豫州刺史以賞之。上又令醫術人羊志哭貴妃。

志亦嗚咽極悲。他日有問志者曰：卿那得此副急淚？志曰：我兩日自哭亡妻耳。通鑑

五花館

荆南舊有五花館，特賓之上地也。故陳上成納詩曰：不是上台憐壯士，五花賓館散從容。南都新書

烏龍

會稽人張然，婦殺之，年不歸。婦與奴私通，然養一狗，名曰烏龍。然死，狗懼事覺，欲謀殺然。然狗

注晴視奴奴方與手烏龍盪奴奴失刀仗然取
刀殺奴續搜神記

鬚髯如戟

山陰公主淫恣悅精彥回以白帝帝召彥回西
上閣宿十日公主夜就之備見逼迫彥回整身
而立從夕至曉畧不移志公主謂曰君鬚髯如
戟何無丈夫意彥回曰雖不敏何敢首爲亂階
通鑑

田舍翁十斛麥

李勣入見上問之曰朕欲立武昭儀爲后褚遂
良固執以爲不可遂良旣顧命大臣事當且已
乎對曰此陛下家事何必更問外人上意遂決
許敬宗宣言於朝曰田舍翁多收十斛麥尚欲
易婦况天子立后何豫諸人事而妄生議乎同上

赤鳳凰

后所通宮奴燕赤鳳者雄捷能超樓閣兼通昭

儀十月五日宮中故事上靈女朝吹埙擊鼓連
臂踏歌赤鳳凰來曲后曰赤鳳凰爲誰來昭儀
曰赤鳳爲姊來寧爲他人乎后怒以杯擲昭儀
裙曰鼠子能噬人乎昭儀曰穿其裙見其私足
矣安在噬人乎帝微聞其事以問昭儀昭儀曰
以漢家火德故以帝爲赤鳳帝信之大悅

趙后外傳

稽古堂訂正雲仙散錄卷之九

終

稽古堂訂正雲仙散錄卷之十

唐 金城 馮 贊 編

明 楊 李 高 承 珽 較

雜寶藏

樂工廉郊師於曹綱綱曰教授人多矣未有此
姓靈弟子也郊常池上彈琵琶賓調忽聞菱荷間
有物蹁躑出岸乃方響一片有知者識是蔡賓
鐵也指撥精妙聲律具相應物類相感耳

琵琶錄

截轡留鞭

姚崇牧荊州受代日關境民泣撫馬首截轡留鞭以表瞻戀

開元天寶時事

蜂蝶慕香

都下名妓楚蓮者國香無及每出則蜂蝶相隨

慕其香

同上

自暖盃

內庫有青酒盃紋如亂絲其薄如紙以酒注之

溫溫然有氣相次如沸湯名自暖盃

同上

遊仙枕

龜茲國進一枕色如瑪瑙枕之則十洲三島四

海五湖盡入夢中帝名爲遊仙枕

同上

辟寒犀

交趾國進犀一株以金盤置於殿中暖風襲人

使者曰此辟寒犀也

同上

喚鐵

雲仙傳金 卷十
太白山居士郭休有運氣絕粒之術以繩繫一
鐵片子鳥獸聞之卽集庭下名曰喚鐵開元天寶遺事

氷山

進士張彖力學有大名楊國忠用事爭請門彖
獨不往曰爾輩謂楊公之勢可倚如太山耶以
吾所見乃氷山也皎日一照則當悞人後登筍
爲華陰尉歎曰丈夫有凌雲蓋世之志拘於下
位若立身於矮屋中使人擡頭不得遂拂衣長

往

同上

花裯

學士許慎與親友宴花園中聚花鋪座曰吾自

有花裯何消坐具

同上

風流藪澤

長安平康坊妓女所居新進士以紅牋名紙遊
其中時謂此坊爲風流藪澤

同上

筆頭生花

李太白少夢筆頭生花後天才膽逸名聞天下

百寶欄

上賜國忠木芍藥國忠以百寶爲欄

開元遺事

吸花露

貴妃每宿酒初消多苦肺熱凌晨傍花樓口吸

花露潤肺

同上

含玉嚙津

貴妃素有肉體苦熱肺渴每日含一玉魚藉其

涼津沃肺

同上

夜明枕

虢國夫人有夜明枕光照一室不假燈燭

同上

粲花

李白與人譚論皆成句讀如春葩麗藻粲於齒

牙時號李白粲花之論

同上

二鵲擲卵

嘉陵江上見二鵲擲卵相上下以按之蓋習其

飛也其胎教之意乎又翅羽未成躍出巢穴往往墮崖而死其天性俊勇是亦躁進之類

山鷄自愛

山鷄自愛其色終日映水目眩則溺死

天心月脇

皇甫湜稱愈文曰穿天心出月脇

茗戰

建人謂鬪茶爲茗戰

金鹿銀麕

天子北征曹奴之人觴天子于泮水之上賜金

鹿銀麕今有地上得銀狔金狗之類皆古賂夷

狄奇貨

穆天子傳

溫柔鄉

成帝謂合德爲溫柔鄉曰吾老是鄉矣不能效

武帝求白雲鄉也樊噲賀曰陛下真得仙者合

德號爲婕妤

趙后外傳

六甲行厨

左慈明六甲能役鬼神坐致行厨

葛洪傳

老子僕徐甲

老子西度關關令尹喜知其非常人從之問道老子大驚舌聃然故號老聃老子耳有三漏手握十文其僕徐甲約日直百錢自隨二百年計欠七百二十萬錢甲詣關令索所欠令問老子對曰甲久應死吾以太玄清生符救之得至今

日使甲張口向地符出丹書文字如新甲止成一聚枯骨令知老子神異叩頭請命復以符投骨上甲乃復生

龍牀

韓志和有道術憲宗時獻一龍牀坐則鱗鬣爪角皆動又於御前以蠅虎子數十人分隊舞梁州曲皆中音節

沈汾傳

九色鳳鸞

雲仙傳金 卷一
東方朔游房林之野獲九色鳳鸞

洞冥記

懷夢草

鍾火山有香草武帝思李夫人東方朔獻帝懷之卽夢見名懷夢草

洞冥記

青鸛

羽山之北有鳥曰青鸛聲如鐘磬世語曰青鸛

鳴時太平

拾遺記

寶井

范蠡收四方難得之貨或藏之井塹謂之寶井麗色溢於閨房謂之游宮

拾遺記

瓊厨金穴

光武皇后弟郭况家工冶之聲不絕人謂之郭氏之室不雨而雷東京謂况家爲瓊厨金穴

流香渠

靈帝起裸游館千間渠水遶砌蓮大如蓋長一丈其葉夜舒晝卷名夜舒荷宮人靚粧解上衣

著內服或共裸浴西域貢茵蔯香煮湯餘汁入
渠號流香渠

書倉

曹曾積石爲倉以藏書名曹氏書倉

如願

有商人過清湖見清湖君君問所須商曰但乞
如願君許之果得一婢如願卽其名也商有所
求悉能致之後因正旦如願晚起商人撻之走

入糞壤中不見今人正旦以細繩繫綿人投糞
掃中云乞如願

金鑿玉膾

吳都獻松江鱸魚腸帝曰所謂金鑿玉膾東南

佳味也

南部烟花記

閃電牕

帝觀書處牕戶玲瓏相望金鋪玉觀輝映溢目

號爲閃電牕

南部烟花記

新古今

集卷一

終



